



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

寶香山館集卷十四

書

答友人書

夏間兩附函想已達十月廿六日接手教諭侍奉萬福榮問休暢
幸甚幸甚承詢入都之計功名不可期某欲閣下破釜沉舟搜將
盡之囊隻身五千里外遠違色養作孤注一擲以冀倖不可心得
之名某何敢決閣下素不耐清苦近聞又買花鹿城滿園春色左
抱右擁斯樂胡極長安珠桂之鄉殘盃冷炙雪虐風饕如是者非
三五年不能得志且得與不得尚未可知閣下能咬此菜根滋味
耶某雖能決之恐閣下亦未必能從之也雖然閣下既諄諄下商
為閣下計又捨此別無長策某敢不直陳其愚夫腹背之毛無益
於冲霄然不能因六翮之摧而併棄之也涓滴之水無救於燎原

然不能因九仞之竭而併枯之也破產求官誠如尊大人云云然
 使閣下戀此雞肋求楚人之亡弓索孟家之破甑方且奔走形勢
 凌雜米鹽探金穴於泥沙失珠囊於象罔以彼易此勝算誰多某
 以為閣下果欲求官可無破產眉伯奔驅數十年割鮮鬻肥履絲
 曳縞其自奉豐於某數倍辛紆青紫坐堂皇持祿養親畢仲由氏
 負米之願何嘗不張空拳冒白刃耶閣下應酬之才僅與眉伯相
 伯仲士貴能貧安在茫茫人海中竟無立錫之地哉且閣下家計
 雖中落支撐門戶尚可無內顧憂果翩然有鴻鵠之舉北道主人
 當代覓一餬口處無求贏餘但了足一切勾當望或可成否則聞
 蔣生之徑以俟羊求掃陳蕃之榻以待徐孺雖無蓴鱸尚有瓜牛
 公孫一孟之飯蕭齋四之餅庾郎二十七種之菜官厨珍味請
 閣下剖而嘗之其能拋河陽滿縣之花與孤山冷蕊共對清寒否

溫州府志

也定例教習於會闈後局試療饑之策除進士即用外惟此與膳
錄尚為終南捷徑閣下種種筆墨出人頭地自可一戰而霸今春
失此機會殊為惋惜明年歲科兩試後舍姪輩或有欲北來者便
中商諸家兄倘能挈阿咸偕行既藉提携且可免彼此岑寂惟祈
剷除積習勉守素風長途奔資二百金恢恢游刃想咄嗟可辦於
元氣亦無大傷耳理勢如斯伏惟裁示至於將來進取福命攸關
所謂成敗利鈍非臣之明所能逆料也率泐佈復順請近佳不一

致銅梁令書

去冬清塵得侍胸臆獲申芻蕘之譚多蒙采錄過時追念感服至
深比惟耕猷煥發期月化行遐聽風聲何如慰藉茲某更有陳者
者自古治民之術曰好生不曰好殺舜命司徒敷教在寬文保赤
子明德慎罰為民父母名義有歸峻法嚴刑實乖歲氣吾儒讀書
作牧寧不知害馬之當去雖然昔尔朱榮使齊神武剪惡馬不加
羈絆竟不啼齧所謂御惡人如此馬者也而武媚娘則願假一繩
一鞭一劍而曰繫之不得鞭之不服斬之率其悍厲之氣卒以流
毒家邦若夫不繫不鞭而遽使就死地其悖不更出武氏下乎夫
國家立法如此其詳也其人有得死之罪斷以常刑可也苟逞一
己之蠱氣而私用之是禽獸斯民也然而君也然而君子無故不
殺牛羊矣仁心之推暨何於人而忽諸且夫人有罪鞭箠以痛楚

之桎梏以拘繫之編之徒官閉之園牆以收斂其心志又必審轉
關白紆回日月俾不得遽脫於桁楊凡以發天良開改惡之路也
若隱枯輔藥之正孤刺也非以仇民也古者用刑以佐仁不任刑
而害仁郭祖深曰法者民之父母此之謂也國家每歲秋決不
赦者與衆棄之然且呼置堂下食以酒肉嗚呼此意不重可念與
蜀中山川險急民氣強直一朝之忿每至忘身毫末相爭俾刃加
腹其生性類然為之吏者正宜教以人倫導之禮讓使孝弟廉恥
愜洽人心非特澄本清源之道抑對證發藥之方也某履任三載
竊持此意與斯民相見往往有感泣涕零悔罪於對簿之際者蜀
非不可興言也夫乃深怪向之官期斯土者動云地近荒裔治必
嚴苛量決訟獄五毒參至雖肉飛骨折而曾不怵心甚且有攘隣
一雞即絕命於箒箠之下吁嘻視事之堂非戰場何乃有血之流

杵乎蜀人好亂不有由哉法令滋彰盜賊多有不稽其故治益逐
末可慨也已抑先王制律恚本人情漢高三章以定天下後王增
益歷今不下千百條可謂窮情盡變不枉不漏寧猶不足以防天
下之奸愚民無知已多有冒而觸之矣至於律書所不載即非人
情之中雖聖人復起不敢妄言乃或不察獨好於條例之外加立
科指以禁錮斯民不知有司多設一告令之條即胥吏多操一誣
陷之柄不善未必去而善者先被其殃夫經世無術且更讀書耳
而必師心自用強作解人苦百姓奚為耶吾輩啜聖之糟粕倖成
進士出為民牧而兄弟子姪猶然百姓也其受治於人等也豈願
有此長官乎則此鄉百姓何莫非吾兄弟子姪而烏乎苛求人情
天下可通今僅有等人之權等之不已且殺之設更有殺人之權
又將何如我不敢知矣民生大逆則梟示鼠竊公膺責懲枷示先

時蜀中有概從扑殺者且取其筋懸以示人嗚呼此本何律而潛
酷若是以是求治吾見其速亂也獲保首領倖而免耳士為四民
之首教化所先而閭閻觀瞻之所係也其賢者優禮之不肖者教
之使之自愛不苟同於流俗斯流俗咸知士之可貴而企慕之心
生則從事於詩書者衆矣文翁化蜀率由是道其時沐浴聖人之
澤猶僅也而史冊所傳成效可稽何今之治蜀者率以田山細故
撻辱衣冠彼其意不過自度勢力足以蹂躪之遂故借以立威且
隱託於古之不畏強禦者之所為而顯自附於近今能吏之列以
諂媚其上官其果勢焰薰灼達官貴仕之家則又奔走趨承之不
暇縱有作慝不唯不敢過問且從而彌之縫長助之此禮義廉恥
先喪於在官欲民之善不亦難乎蜀人賤士而貴吏孰實使之然
吾不悲士之不幸而生於蜀而獨悲夫世之官蜀者亦士也何以

溫州府志

使蜀人賤士而貴吏絕不一思其流極他日之不幸願獨在士耶
國家文武分司不相統轄兵丁雜處四民之中每有倚其渠帥妨
格禁令則欲繩兵丁務和文武今不出此而亦臨之以勢力失惑
無常致其渠帥亦不能堪由是文武異趣畛域乍分侵凌迭起天
狼威孤隱然敵國而豨突之勇有乘於蕭牆者矣可不傲懼哉方
今
聖天子靈囊大色仁育萬物垂衣襁幅常以一夫之不被澤引
為隱憂州縣親民之官治亂所基苟不務德而淫刑以逞吾見上
之則負朝廷下之則灾及身鬼神之神且因國法人心而掩
至語曰為將三世必敗言其殺人多也為民牧者奈何勿知某以
儒生出典大郡自維不達時務恐泥古戾今淆亂名實竊謂前事
者後事之師故於政事之暇多所咨訪願早之所食類多武健文

惡刻輒為治此抱薪救火禍亂之本也揆厥時勢詎為適宜閣下
 儒者且不以某為不肖故遂披拾所聞參以論議而發憤一吐其
 胸中之電聞之君子不鏡於水水亦鏡於人某將以人鏡也意涉感激語多
 乖違伸紙疾書都無倫次惟閣下恕而察之他時相見再微得失
 為此敬候升祺伏希藹照不盡

溫州府知府

上蔣礪堂制府書

竊某涖任未及三秋仰蒙慈眷雨護川東道篆揣分循涯奚如榮
感惟是川東哀延幾二千里界連黔楚陝三省土瘠民貧為咽匪
益梟出沒之所不比重郡雖衝繁庀雜而民狎既易於化導地近
亦便於稽查兼某京職十載拘文牽義於吏事實未嘗學問抵渝
以來外間頗以拘迂見誚自福星移映西川曲荷優容更復頻加
獎借昨敬讀 奏稿內明幹實心四字感愧悚惶自顧何人邀此
題品仰惟閣下提携策勵之心施榮寵以示褒實欲假事權以課
績責備愈重報稱逾難自維才短識疎力小任大捧檄之下倍切
冰兢憶丙子出都時承莫實齋先生以心學見勗謂能常提此心
不使放倒則凡事都辦得去做得成竊意此即宋儒所謂常惺惺
法到任後嘗密書二語以自警曰對百姓要無慙色辦庶事祇有

溫州不刊

誠心退食時默加體驗覺此心偶然放倒諸事便無頭緒韋弦之
歲負慙師友去冬朱勳楣太守以汪龍莊先生學治臆說佐治藥
言暨呂子節錄諸書惠寄受而讀之其議論之高識見之卓古今
人誠不相及而汪書較切近平實徹上徹下從親身閱歷中來洵可
垂為治譜頃奉到鈞札以臆說興作史要言並行頒發使地方官
人奉一編朝夕省覽於吏治實大有裨益至弁語中提出呂氏清
慎勤三字訓而要之以誠尤為窮源探本之論某擬將此二種書
每刷印百十本歸遺僚友以推廣閣下為
國家造就人才嘉惠羣黎之至意不敢獨私枕秘兼可使桑梓蒙
庥也

上蔣制府論天主教書

竊照西洋天主教藥芽於李唐濫觴於前明至本朝康熙乾隆
間遂浸淫蔓延於各省而西蜀為尤甚尋厥宗旨大抵竊儒流之
緒論拾佛氏之唾餘假天文算術以售其奸借三德十誠七克以
行其詐且始之領說以誘其來繼之堅振以防其變終之飲聖醴
以固其迷而其後終傳之禮結婚之文以及告解贍禮彌撒聖油
聖技聖灰玫瑰會等諸儀節三令五申俾老弱婦女內外姻親牢
繫維而不可解其品級則有宗牧監牧靈牧鐸德副祭會長等名
目層次監攝束縛而馳驟之懼其或遷於異物或格於正辭而崇
奉之志不篤也遂乃詆謫神聖蔑棄綱常如聖理參証聖教淺說
遵主聖範聖教禮規等書荒謬狂誕之言幾不可嚮邇又為之罕
譬曲喻彌縫補宜首如萬物真原畸人十篇代疑論聖經直解聖

經廣益等篇使高明者驚其言若河漢惟魯者重其教若邱山即
現在抄出諸書竟至三十餘種而大要歸於公審判一端以怵誘
愚氓簧鼓邪說尤可恨者在苦多福多一語堅其至死不變之心
寧甘奸文網犯刑章糜爛頂踵而不敢於背天主其居心殊不可
究詰且四川險界粵區地勢阻深民氣浮動全川不及知就重屬
而論奉教者約及十之二三衣袂日戒之謀曲突徙薪之策某誠
愚昧不知所裁伏念天主教左道惑衆言辨行堅縱教狗苟蠅營
斧鉞倖逃於兩觀可使豺投虎界放流不屏於四夷惟是歷年查
辦以來改悔諸人概從寬典伊等見聞既熟趨避遂工本年到案
時無一人抗不具悔并無一人不自稱已悔者而起出念珠經卷
等如許之多可見陽奉陰違不過藉一紙悔詞為將來破案時退
步悔還重悔既無難樣畫葫蘆誅不勝誅更未便抄連瓜蔓有牧


民之責者寧不為廢然束手默爾寒心然某於此竊有請焉

溫州不為不館

WENZHOU LIBRARY

寶善堂中創集

卷之三



温州市图书馆

WENZHOU LIBRARY

東歸謝蔣制府書

日昨趨詣會垣叩請鈞安兼陳謝悃荷蒙謙先下濟略分言情侍
馬帳之清譚錫卹厨之珍膳不等諸溫公屬吏竊附為歐陽門人
榮幸之餘彌增感泐叩辭後即買小舟由戎瀘一帶東下月杪回
渝恰值江流初漲險灘就平於月之初九日偕趙先生作伴登舟
計須六月中甫能抵里彼時自當恭肅稟函仰紓慈屢惟是其蒞
渝三載迂疎拙直不合時宜辱承逾格栽培辨之於羣疑衆謗之
交拔之於揣分循涯之外感恩戴德圖報無由恭惟福星移映以
來整飭紀綱助流政化不動聲色而措於泰山之安大布公誠而
令如流水之下固已民懷吏畏俗美風清顧念此邦值蠱壞之餘
當事艸孚嘉之象尚煩深慮為策安伏祈餐衛珍調鈞衡密運
防嚴肘腋師不漏於多魚寄重腹心市無嫌於成虎官箴已飭猶

浮議堅守成規俾
蘗芽不致潛滋庶
戶牖可期永固

虞卧蟄之思興民氣雖醇竊懼奸梟之難化貪詐豈無可使幸毋
 輕假以事權廉明在所必甄尤貴慎重夫民命道府不避嫌而肯
 提案下情達則上控必稀紳衿能優禮而使懷刑士氣揚則羞威
 自斂東北之憂惟匪黨治嚴拔薤尤宜綏以循良西南之患在邊
 防衅弭漚管更望鎮以寧靜凡此私衷覩縷蚤經憲慮周詳竊銜
 知遇之恩重瀆崇嚴之聽仰冀掃除浮屠三宿之懋難荅鴻施芻
 蕘一得之愚祇同燕說前因叩辭倉卒未罄所懷茲值臨歧倍深
 眷戀


溫州府志

復福谷泉太守書

別來半月企望正殷頃奉華函備叨綺注殷拳無任銘戢就誌閣
下德星載道露冕宣勤引睇芝暉尤深忭頌新衛河工程弟昨經
查勘情形無大懸殊惟南樂之瓠子嘴東岬迎溜頂冲原議對岬
抽溝分殺水勢恐不足以資抵禦欲於東岬填溝築埝處所改築
草壩數十丈詢之原估諸君均以為應辦已飭令據實勘估矣至
此項工弟擬專令地方官經手原估之單縣丞馮主簿幫辦一
切錢糧支放欲煩尊處督同廣平馬丞經理以專責成詢謀僉同
本可即行定局本日接到制府牌文於奏明籌墊摺內帶叙飭司
遴派熟諳工員會同地方官領項開工並知會河撫將豫工同時
興舉云云恐省中另有委員幫辦俟到時再議刻下似未便遽請
興修也數日前得有雪澤土膏滋潤地方亦均靜謐堪慰遠懷

寶雅山齋集

浙江圖書館藏



温州市图书馆


WENZHOU LIBRARY

覆孫司馬議濬司馬溝渠書

昨接來函就諗抵東後先周歷司馬渠會勘詳籌懋著賢勞欽佩
無似承示會籌改道二條自以順車路東流為較便為此議者不
過徇伊堵塞韓家崗之說為東省收場地步其實朝三暮四總以
史家潭為去路而史家潭上接鄭家庄戶下入毛相河節節淤高
必湏一律挑通度將來岔河之水不致壅遏漫流弟原覆亦議及
此無如東省意見不同礙難辦理不得已為是策此次會勘全仗
大才與同事諸公熟籌妥議使東省委員破除成見和衷協辦將
岔河下游逐段疏通最為完善否則姑議改道於對案鄭家庄戶
築堤一道以資捍禦下游且暫緩開挑為目前息爭起見如或另
有良策使直東兩省均踴躍樂從則更拜仁人之賜矣

寶齋山齋集

卷之六 五言古詩 車角之老 江上望遠 直隸



温州市图书馆

WENZHOU LIBRARY

寶香山館集卷十五

書

上琦

中丞議復黃龍潭疊道書

前於小除日自會垣旋署恭展月初賜札仰承覆諭溫詳莊誦之餘益深銘戰敬誌履端幼豫迎氣延釐引跋龍門莫名忭頌開州黃龍潭疊道某於前月二十五日親往履勘該處在古黃河斷堤之間形勢低窪為開州瀝水所注由清豐順趨觀朝每逢大水之年不無漫溢現在疊道故址雖已平車路修復亦自無難惟地勢西南高而東北下虎山口外並無河路迤北為古橫堤所阻不能漫入魏河恐瀝水潴渟開濮均不免貽害某與大名福守等細加相度擬自黃龍潭起至濮州玉帶河止開濬引河一道使逼水南出虎山口後東行南下以順地勢而免後穴庶疊道修復可以兩

寶香山館集

新工...



WENZHOU LIBRARY

無妨碍惟事關兩省水利民田另闢生地必須籌畫經費採訪與
情某才識粗疎未敢以一己愚昧之私擅行定議業已據實稟請
節相查核核咨伏祈賜委賢員會同某詳細查勘熟籌妥議稟候
鈞裁俾兩省附近居民均沾樂利而慶安全下懷無任虔禱

上某公書

某於端節前肅叩鈞禧并將地方大槩情狀附陳嗣從舒鎮軍處
接奉賜書知前函已塵台覽荷蒙閣下垂念寒微曲加訓迪回環
捧誦感戀交深某伏讀五月初三暨二十日兩次
諭旨仰見

聖明洞若觀大僚屬軍民無不共深頂戴惟是從前辦災情事與

某近况不能不瀝陳大君子之前者大名接壤豫東民氣浮動兼

值秋歉夏之際閭閻困苦耳不忍聞實較嘉慶十八年為尤甚

數月來風霾晝晦天象告警倍切戒心入夏後麥秋失收謠言四

起均糧之案疊出始尤一二飢民效尤估借繼輒有奸徒糾結持

械肆搶幾釀大故不得不明示嚴威隨會同薛鎮帶重兵彈壓查

拿一面飭大名福守出示撫慰此風始息而某於四月初查察外

間情景夏災已成緩征斷不足濟事即札商方伯請仿照嘉靖十
八年成案於五月底分別賞借賞給一月口糧并截留臨清南漕
以資備豫方伯以國家經費有常盤壩南漕以未可輕議且借
給需費太多擬姑令城廂煮粥可省糜費大府力主其議某竊以
為救災於未成易辦災於已成難糜無算之貲於事後者重籌稍
寬之費於事前者輕而辦理機宜尤須隨地隨時不能拘於成格在
煮粥固為救荒實政但行之於現在之大名則誠恐有未便盛夏
暑熱粥味變餒老弱奔馳薰蒸疾疫且隣境多有灾荒流民雜聚
尤難保不別滋事端某前在津門既深悉各屬煮賑之弊又訪知
十九年大名粥廠擁擠傷殘民閩俱望領米而不願食粥故力陳
煮賑之不便致興憲意相齟齬大受譴訶一守二令同時見撤且
擬將某改調通永重蒙

聖恩寬大不深責大名福守之錯謬大府然後頗有悔心某亦暫
免左降而李升齋觀察接奉行知失聲變色似大有拂意於中者
渠受命而來諸存迎合與方伯一鼻孔出氣喧賓奪主咄咄逼人
此皆事勢之常無足深怪獨北倉貯米之不堪糞賑升齋自天津
來知之深恚而初奏撥運賑餘米一萬三千石繼請撥存貯豫米
五萬石其論皆自升齋發之賴鄭夢白觀察書力言霉變不可用
方伯已議停撥而升齋猶嚴催各州縣趕運先於道庫內墊發運
費嗣奉省札始止為北倉銷除壞米竟置大名百萬飢民於不顧
其意何居至覆查福守稟稿不會同署大名張牧亦并不飭知獨
舉其不分別東長二縣無須調濟并徑請截漕為福守之錯誤此
二條道府所稟略同已明有打鴨驚鴛鴦之意洎某赴成安查勘
水災渠會稟籌議糞賑章程不俟某判行輒先與張牧酌定繕發

內有道府分路稽查一條令某赴元廣張牧赴大南前任福守赴
清開登壇指麾直高卧百尺樓頭不識置廣平蕭守於何地且因
大名何令之力請散米清豐曾令之開廠遲緩俱欲立挂彈章該
二令尚是好官並非控冒侵漁去前此津郡之廖某許某遠甚乃
欲刑鬻權以止諫鞭甯越以立威何一變至此耶某才識拘迂待
人過於寬辦事失之鈍謬荷
聖恩逾格趁除惟此為民為
國之私衷尚堪仰酬知己既不能獲上信友即倖邀寬宥亦終難
鬱鬱久居惟有俟秋間時勢稍定潔身引退收拙邱園頌
聖主賢臣之功業於勿哀猶庶幾無慙明哲第
國恩未報孤負栽培為可愧耳

與徐晉衣書

芸清夜几培風分藜火之光苔綠春岑譜月訂蘭金之契奈參商
不無異地致稽呂未免笑人竭來越水甌江真千里寸心之徒結
除却槐花桂子總三秋一面之為難欲報酉山敬憑子墨惟我晉
衣仁弟足下品粹於金器成如玉望三益而開徑期十年以讀書
笑他丹穀閉門草揚子之元守我黃庭虛室瞻莊生之白且也得
山水之佳境為風月作主人探赤文綠字之竒磨碑禹穴訪修竹
茂林之勝載酒蘭亭信地行仙亦天隨子某材慙樗散跡類蓬飄
功名則塞馬如斯技藝則黔驢止此亦嘗拜經庚子之日乞漿
酉之年而楊朱之路多歧李白之天難上卅年來磨穿鐵硯一樣
冬烘千里外走敝貂裘幾回春夢驥歷坡而九折空有壯心難失
且而一鳴已虛良夜不期弩末之尚能穿縞居然錐穎之竟許脫

囊既不落於孫山且幸遊乎劉井銜
思無地想文章報國以
何能微福自天思官職登仙而倍愧但紅日雖近而白雲已遠
東觀書多勉隨三百輩瀛洲之步北堂歲晚敢虛八十年萱閣之
春况長安未貴如珠無香山春草之篇知久居良不易幸吳下鱸
肥可膾動張翰秋風之興得少住以為佳因載陟乎蘭陔敬暫辭
夫芸館惟是我戍瓜期促景迫殘冬行李戒嚴吉廕陽月回轅北
道將重污京洛之塵引領南天未暇泛山陰之棹用憑尺素以寫
寸私聯日下之鵷行每懷舊雨隔天邊之雁影但有停雲

與查又山同年書

數聲風笛便隔寒暄願言之懷如何忘弭昔牀明貞慤文通締其
青雲彥昇英邁希範標其白雪匪獨苔岑布影夙緣偶鍾良由韋
弦寫心古懽未沫也曩紆文軫雅游京洛朋輩資其眇飾公卿託
以指南某忝輕材局居下駟永懷曹鄴共濟之義謬承坡老孤芳
之知例屣輸懷推襟結契引李倫為上客許君房為故交跌宕文
史之場流連光景之會觥籌飛而眉舞咳唾落而珠生形神兩忘
率爾休暢雖復德謀負齒飲醇醉而醉心濬冲清言對璞玉而茹
氣未足方斯良覲叙彼歡悰屬以鱸膾招人雞肋誤我塊然獨處
誰與賞音辱枉注存曠若復面就審侍奉萬福喜慰不可任涉冬
沍寒想席康勝江南春早芳蕤殢心承蘭咳之餘歡締萱杜之匣
契催鶯送酒倩鶴看舩曜靈匿輝蘭膏凝夜悟衷散賞致足樂矣

南中告飢鵠鳩載路風聞高義倡呼助彼泛舟極其轉壑天河探
價計減尋常敝郡往年同此灾酷羸蚌枯於沙汭榆蓬斲於地毛
至乃屑石為振齋糠作餅賣兒貼婦襁載纍纍聞之令人酸鼻幸
赤嵌珠粒航海來蘇陸給諫朝陽一鳴郡縣惶怖始復傾困振廩
响沫子黎迄今十室九空瘡痍猶未復也近者京華冠蓋棋局一
新平原廣論於絕交東海操戈於同室因橘柚之殊氣致蕉竹之
相彈毒手尊拳獻嘲大雅興戎自口可為寒心隣川夫子雅懷
恬素陰冬陽夏浮沉人海之中去歲遷除竟逢捷徑功名分定曩
言豈虛某棟極緇塵濫竽東郭禮闈告竣承當路以館事相滄諉
折八座之襪線畫學士之葫蘆撫已循涯倍慙塵忝但以長安久
住來日大難時會所乘望或倖書上考罷揮求米之帖甘作墜溷
之花區區鄙懷如斯而已又年逾知命近始覓得一竈下婢齧脣

騫腹狀似宜男荏苒半暮仍乏印鈎之夢將恐淵明棗栗虛佇於
扶床伯喈琴書委心於享帚攬影偶質春去秋來皋蘇莫蠲胸毒
申旦惠子知我當亦頻喚奈何耳久遲報章缺然滋愧相見何日
因風展忱春寒諸惟珍晉並頌新祺不既

啓

謝蔣礪堂宮保師啓

竊惟小草有遠志吹噓端賴於春風
 大匠無棄材雕刻不遺夫朽木
 二千石重摹肘印方愧濡鵜尺一符待換頭銜竟叨薦鶚蓋井
 汲每深於知己况袞褒尤重於大賢感切銜環畏深翹乘恭惟閣
 下詩書元帥社稷名臣措秦泰山之安以
 堯舜君民為己責任天下之重較伊呂伯仲而誰優紫綰頒來
 帝想曲江之風度黃扉啓處人傳司馬之姓名胸懷則滄海洪
 河心事如青天白日自持節鉞屢賁絲綸謂大臣能事
 君以人廢下僚無感士不遇闢翹材之館籠貯參苓披啓事之函
 庭升蘭芷有說士甘於肉之館意無進人加諸膝之嫌脫穎而出
 毛生攜手而登駿茂固已羣流仰鏡莞樞轄於天門豈徒下走趨

風引轡銜於雲路頃承

渙號明用揚

廷露章捲歸燕之簾風信助搏鵬之翼是必十竒著蹟呂平章夾
袋纔收六計蜚聲虞丞相華箋甫錄本虛懷而若谷因着手以成
春豈期林藻之孤寒亦玷荊州之題品念此子聲名未立假以齒
牙就一時聞見所知託之豪素華頭管尾叨隨益友之三人王後
盧前忝附令公之四俊汗顏感戰泥首栽培某才謝鈍錐學慚修
綆邇自川東曳組洎乎冀北分符叨附籍於膺門幸寄棲於甫厦
尋常毛骨辱孫陽子細之看咫尺宮牆勞尼父辛勤之鑄舊恩似
水涸鮒長滋新諾如山抃螯難戴雖木屑竹頭之並蓄心休休其
有客而餘朱涇劍之空陳髮種種其奚補某惟有堅持雅操勉副
殷懷嚴清夜之四知最駕材之十駕有絲麻無棄菅蒯敬銘私室

之
思為鷹鷂不若鸞鳳願矢公田之報

寶香山會集

卷之五



温州市图书馆

WENZHOU LIBRARY

賀蔣礪堂師大拜啓

昨接邸報敬欣悉光膺

枚卜晉副巖瞻壯聽延登莫名忭舞恭惟閣下辰象儲精雲龍叶

契荷

三朝之

恩遇敷歷中外者逾卅年欽

一德之交孚參知政事者甫一載凌蓋州六懸劍印暫筮

綸扉盧太原五換節麾宜升揆路雖河東為股肱郡尚資江左之

夷吾而宰相須讀書人羣仰斗南之仁傑自昔參陪左轄幾無官

之可酬即今宏總上流想舉朝之交賀龍符掛木

九重徵夢賚之祥鵠鼎調羹三輔重保衡之任

舉臯陶為右相成五龍夾日之勳

命君陳尹東郊慰四嶽興雲之望賓狂之三三開處將幕未移泰符之兩兩排來台垣正朗鬱為

國幹沛作商霖某夙倚門墻脩叨埏埴阻賀其於東閣瑞憶金芝瞻慶霽於南畿和看玉燭近懷韓忠獻詠寒花香晚節之詩遠學


王子淵進

聖主得賢臣之頌

上阮芸臺宮保師啓

遠違模範瞻仰無由年來南北奔馳又復久踈丹牘下懷悚仄與
日俱長敬惟閣下烏架釐延龍門望重八番猿鳥共畏簡書六詔
風煙都歸藻繪振膠絃於燹爨二千年再到相如紆籌策於滇黔
一萬里重來諸葛甲兵胸貯嶮牙旗玉帳之威稜袞繡心歸絢全
馬碧鷄之光景凌益州六懸劍印早兆禎符盧太原五換節旄彌
高公論人望久孚於中外
天心特眷於西南竚膺樞管之榮晉陟鈞衡之任歡騰恩慶洽
情田某燕燭誤書楚弓俛得去秋因辦賑撤任蒙
聖恩錄用原官得銓授湖北糧儲道業於四月二十八日到鄂視
事儲胥任重槌埴心危問錢穀而不知撫斗筲而滋愧伏望津傳
寶筏冶就洪鈞鄉月堪依差喜樓臺之近水春風如昨定隨桃李

以成蹊遠聽裁成莫名感仰虔修燕啓敬布葵忱



温州市图书馆

WENZHOU LIBRARY

賀潘芝軒司空師生日啓

伏以戊茂子孳泰筭衍嘉平之瑞甲周亥算台垣徽綽綰之符大年克享夫天心耆德允享於人望歡騰絃佩慶溢門墻恭惟閣下辰象儲精嶽崧毓秀

大廷對策早魁玉筍之班初地傳衣屢度金鍼之譜郭令歷二十四考疊晉頭銜羅侯總三十六曹特隆

心簡因官成集著書之歲月滋多式穀傳經接武之科名未艾申錫渥邀於

紫綉履曳星辰寅清倍凜於丹衷座談風月問菡史田園而孰富較聲名官職以誰儔珂里抽簪為愛恒春之日錦堂舞綵甘遲作相之年乃蒼生久望於東山遂赤烏再趨於北闕張曲江之風度蚤契

九重薛少府之威名合居三獨龍門望峻簪裾共仰其清嚴駟輻

班崇

黼展方資為平格慶陔笙之潔養聽臘鼓之騰歡脊三百六旬再
數從頭之甲子月四十五日倍添過眼之光陰恰逢梅報春光兆
調羹於傅鼎為想鶴飛天際歡吹笛於蘇門某賀履有懷荒莊竊
愧兩載空羈於楚北一星獨耀於孤南斟春酒以上介遐齡莫陪
桃李對寒花而益欽晚節敬頌臺萊

溫州府圖書館



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

